

效果實爲吾松自治機關之先河時道縣議會成立被舉爲議長博采廣咨折衷眾議其最著者處州軍政分府來松續收北伐捐元遠電省請命謂南北統一尙何有北伐名目事遂寢丙辰雲南起義共和再造紛電江浙約同請復地方自治元前後上書國會痛言非復自治無真共和終非利國福民之道兩院議員均避其說決議咨交政府施行惜自治未復而身已返道山享年四十有九著有醫案遺稿

葉祥麟字瑞青古市人邑庠生初其祖佐清任丹徒主簿父奉玉省親卒任所祥麟弱冠避庠以家世儒素父骸

松陽縣志

卷九人物

馬行

五五八

未歸日夜悲思乃與兄有麟節衣縮食以教讀餘費往丹徒囊父骸歸故土及歐化東漸從事辦學任古市貫一高等小學校長督教兼施寬嚴互用經省道縣懸扁親學視察傳諭嘉獎迭至七次學生畢業以去留括留杭者不下數十人乃竟積勞致疾享年僅四十有一張開甲字芹傳城西人浙江兩級師範學校優等畢業生歷任高小學校教員錢知事器重之薦任勸學所所長任事後竭力整頓學風丕振惜勞力過甚精神漸疲未及二載一病身亡學界中人咸痛惜之

人物志七

文學

宋

劉澹然字安道博極羣書嘉泰壬戌進士歷官至秘書省著作郎初安道之爲舉子也避三衢試士以風雲龍虎之賦魁於眾作郡守史相奇其才而館穀之邑人項安世徙江陵其子容孫以浙東憲使行縣展墓安道以啟致之曰立春繡於齊漢之上孰不慕公子之威名耀畫過於井落之間我但羨長卿之風度又曰千萬世之人物山川靈收入吏部精神之表八十歲之鄉隣父老尙

松陽縣志

卷九人物

文學

五七七

能誦平翁外角之詩其俊逸之才如此著有午溪集

元

周仲瑜父此山先生館職不受仲瑜承家學益肆力乃以辟授稼軒書院長改紫陽書院

練進字長卿少博學通春秋尤精於律至正初詔入翰林終登仕郎大司農豐潤署丞

明

王景字景彰號常齋修癯美鬚平居好挾策矢口成章時稱其文章上繼屈宋下並班馬洪武四年與楊宜同中鄉試初授懷遠教諭陞開州知府以考最陞山西右叅

政無何下吏以權撓法累謫滇南靖難師起會赦至京師成祖繼統擢爲翰林學士一時詔勅皆出於景景居官立朝不變邪語知者謂其才高故用是以自晦耳一日上欲出師值大雨上不憚景從傍語曰此乃上天爲陛下洗干戈耳左右不辨其語術士竊奏之上大悅卽擢爲親軍指揮使景後徙居池州銅陵縣有詩文集包仕登李文舉從王西山先生受尙書得聞性命道德之學應賢人君子聘爲國子助教一日明太祖召入武英殿賜坐陳二帝三王之道稱旨顧朝近臣曰此吉人士也以時訪問數有匡正陸齊府長史譚王以其聞望雅

松陽縣志

卷九 人物

文學

五九

重之高麗國亦聞其名所著有兩庵和陶壁水海岱等集

潘靜字紹安敏資絕倫博極羣書有倚馬才永樂癸卯鄉薦清操自守構小閣閱群讀書著五經疏二十一史定論續性理奧旨未及行世卒

周景辰一名煥以字行號東家生永樂中學士王景彰薦入文淵閣纂修國史試以鸞鷲菊立就曰漢宮瓦冷夜來霜佳菊凌寒獨弄芳竣事擢知閩連城松溪一縣史民愛之練魯得景辰上元應制詩稱之曰此詩直壓倒文淵閣矣家有東家集

到詰字天章嘉靖乙未選貢初授河間博士其教人也然坐證心體認天理其檢身也業業兢兢雖步履亦不敢少失尺寸在仕途二十年歸家惟閉戶讀書暇則灌圃種蔬嘗曰吾惟知修吾性命之學而已更何爲焉

徐夢易字徵伯號龍陽穎悟特達淹貫該博詩字俱工作文數千言立就應嘉靖乙未選貢入國學蒙宰殺鍾石公異其才華薦入西苑草制一時文翰傳於中外官京衛武學教授疏建大閱場築外城皆切時務進大易參同契解以辟方士歸構愛日堂養老母撫孤姓宗黨多景仰之隱居留名山喜談元學所著有徵伯集讀書記

松陽縣志

卷九 人物

文學

五九

四子遺註五經臆說李杜詩評皇明律說又衍易學全書未竟而卒

程鵬字叔南勤學敦孝童年列膠序足蹟不躡公庭聚徒講肆知名士多遊其門甘恬退膺賓筵益廟操修宗祠久毀鵬爲新之隆慶間修邑乘多其手筆

周朝號岳山少魯甚日讀一行不成誦其兄負笈於歐之名師朝往視一日言其心空去如有人聞之者兄大異授書椒習讀晝夜能記書半針行文落落不羈遂稱奇童歐人婚焉其師偶語東嘉令令親試道府亦親試俱以大器目之時文術臨梧道以已官舫送朝歸之遂入

泮登所榜賢書張相國手教其文婿也以嗣不第欲授
上選卒貢才不售實志沒於家

詹一鶴號綠野邑廩生沈雅淵博舉修邑乘而賦性純孝
其父宗之乃泰政季子也暮年每憂產落鶴輒婉辭以
解父幾百齡卒其長子世教負才名廉取樂施訓龍游
歸不改舊風邑高其行舉鄉飲實

潘伯廣字子居爲人斷決有謀才幹過眾先是學官圯議
修葺屬董其成隆慶間纂修縣志傳記多所裁定癸巳
舉鄉貢授福建政和訓卒於官

潘世宣邑廩生才宏學瞻兼善草隸遇得意作頌自書以
松陽縣志 卷九 人物 文學 六十一

遺人隆慶間修縣乘與其事焉

毛元淳字道樸得庭訓幼讀書卽有志聖賢學手濂溪陽
明諸渠講求不倦棘闈屢蹶亦無間容轉尋樂編爲錢
塘翁一獻盟社深賞訓新城尋補會稽論劉念臺一見
器之命主稽山講席者日新綠秩滿歸裝篋蕭然唯贈
行詩章盈帙而已邑以德望推擢實壽七十三

徐學禮字仲立事繼母盡孝友愛兄弟讓產却金性奇敏
爲文每於傳註外出特解何寶者先生高足也一時以
使郡邑大夫稱之丁酉選貢以研究積勞卒於京邸同
年趙無聲經紀其喪借未展所蘊云

王用賢字任卿卓犖磊砢博涉羣書善臨池賦千餘言可
立就其友以屢困文壇爲耻用賢厲聲曰文壇奈職我
輩事也且松故才數奈何以偶蹶短氣己酉秋幾入教
以溢幅點額論樂清授台州開國爰辭歸甫浹旬而卒
劉金號西澗嘉靖間貢恩教職一十八載素守淡泊簡易
廉介廬舍頽敝遷漢陽教授以母年高遂告終養

徐貞明邑庠生貌莊品粹學問淵博尤善書法與修縣乘
頗盡公慎

潘國俊號起者以謙自牧以和處衆克守乃父元詔之訓
博涉經史從遊者甚多應萬歷貢優游自樂子孫相繼

松陽縣志 卷九 人物 文學 六十一

實與識者咸以爲忠厚之報云
王思卿字調元襟懷曠朗落筆雄宕嘗集邑博學鴻儒辨
論六三子乘得意時自謂直悟聖賢心胸天啟間以
明經訓百安尋論富陽邑中人士莫不典型之

毛復號心庵明敏博雅厭習舉子業與傅光前先生往復
聞太極奧旨先賢雪庵公孤忠渾淪力自遺事呈請建
祠至排羣議復學宮舊址倡栽樹碣表撤遺墓義舉不
能殫述所著有避邑錄耦耕集戒於家

詹仰佐字國徵操行方淑崇禎間貢授義烏諭未幾告歸
輿情重之每推鄉實古陽致仕御史張公貽以四語云

學探淵源義起著績志脫塵凡名馨千古

詹加新字象鼎幼稱神童舞勺食飯博極經史諸書胸襟磊落不循世法至排紛離散千金弗惜因赴貢辛里人痛惜之

葉永華字玉果蚤慧博通諸藝有倚馬才崇禎丙子登北榜賢書對智勇策近萬言主司黃太禪先生射覆曰此必名士曉揭果與揭重熙王宗熙稱海內三奇司成倪鴻寶先生謂其文骨峻峭必能任天下事延入西席每與論經國大事者藉孔集讀書日記積河圖衍義諸書未幾以讀書勞瘁卒

松陽縣志 卷九 人物 文學 六一

王思才字輔元少勤敏好學善屬文場量數奇絕不介意飲酒集友淡然自樂卒後妻陳氏賢淑已無出撫庶子如已子

葉瑞春統芳囊萬學寡言以明經授德清訓閉戶讀書轉論分水雅意作人所餘俸資即以修學宮賑食士歸之日士子遮道泣餞不忍別

徐鳴時號紹溪性慨爽好學居鄉訓士有則一時俊選多出其門墻萬歷間貢末仕卒

毛維聖字時甫幼失怙敏捷善屬文孝友性成弱冠食餼為參政李公叔元所器應崇禎貢授上選辭赴科終

於京邸時論惜之

葉芳尊字伯開少好學虛家庭以孝友聞早歲食餼持已醇謹淹貫書史遊其門者甚眾屢舉德行著西崑集葉正字書升淡泊自甘好學砥行一介不取士林中之雅談者

清

丁日昌號瘦明乙酉明經敦厚慨爽博洽羣書與人交周摯有禮人樂親之修文廟不辭勞瘁雖尊經閣彈力料理齒漸高藝圃植花延老友酣曠自適人勸之仕輒云五斗米豈易我債上白雲也壽七十二訓子皆遊庠

松陽縣志 卷九 人物 文學 六二

劉邁英字卓侯上安人邑廩生治家嚴肅燕居無情容讀書于不釋卷博涉經籍精於易著易經解義詩文雄健有奇氣邑令劉公贈詩獎之

丁正中字上卿城南人朴誠謙雅善屬文尤工於詩為廩生聲譽藉甚及貢太學文名益著授山東嶧縣丞以年老辭不赴任所著有素園種竹蒔花與諸文士詩酒盤桓者素園詩集年五十八

葉慈字勉英由歲貢選訓導博學多才以詩酒自娛所教卒多俊彥

吳國政字文石周安人邑廩生乾隆庚午恩貢侯選教諭

性廉介貧而能守掌教明善書院垂十餘年門下成就者甚衆歷任邑令皆重其品有某爲人所訟餽遺以私之冀其言以伸己致力却之其操守類如此讀書有根柢屢赴棘闈薦而不售益篤志好學年雖老手不釋卷楊友桐學風棲白岩人天資聰穎幼卽能文年十四入邑庠試輒高等文章矯健尤工於詩所至多題咏稍成復寔改或依韻更作他日又復然以此詩益工乾隆庚辰歲貢例選訓導未官而卒有子六人設家塾自課五子均遊庠克紹末學

許萬青貢生字穎選城西人暫年嗜學性耽清雅築綠水松陽縣志 卷九 人物 文學 六十四

園日與諸文人飲酒賦詩倡和成集除蒔花種竹之外從不干外事人咸羨其雅量高致焉

包旭立字世卿城西人由郡掾捐選經歷喜讀書每與文人學士爲詩酒之會竟夕哦咏典則富麗諸文士自以爲弗及也順治初溧陽相國陳芝山公諱名夏未遇時客括蒼因世卿能詩訂交旅寓遊三巖作記書扇以贈臨別又贈以序詞曰余於世卿遊友之矣并贈詩曰空谷人來可定交相從載酒付僧巢目前窮達皆見戲天下山林少客嘲戲汲流泉松火怒漫登小閣竹風敲君毋自愧非儒業誰識干旌在浚郊其相引重如此康熙

己亥相國孫陳世超來宰松邑求遺墨題詩其後宣平令晉陽雷仁育錢唐進士黃大齡孝廉何又爽袁珏皆次韻和之重相國之文抑以表世卿之風流蘊藉云劉傑邑廩生字漢元界首人讀書好學善屬文試輒高等尤工詩賦著吾廬文稿節載藝文彙介自守足跡從不入公門儒學胡雅重其爲人舉報優行第一督學李廉得賞以學優品重四字獎之

丁嗣任邑廩生字又尹城南人恂謹自守胸有涇渭善屬文累舉報優行擢高等父瑗喜留心當世之務自風俗沿革職官乘除具有筆記嗣任會據修邑乘焉

松陽縣志 卷九 人物 文學 六十五

丁植優貢生城南人才品純正著有詩稿阮芸臺中丞聞其佳句橄儒學索呈全集適己人亡稿失

蔡士梁字東橋品端學粹工書法掌教明善書院士林重之

潘益恭庠生字謙谷工詩畫游幕江右聲名遠播

葉叢蕙廩生字君瑞教授閩里高足有登巍科者

王玉汝廩生字小屏家食力學著有墨竹山房詩草

葉方瞻邑庠生字岳松瑞應里人少孤事母孝博古通經

受業數百人多成名著有四書單字解六卷子景遠爲名孝廉著述亦富十三經題要經解尤規實學太子佐

情任未康於潛教諭士民立去思碑焉

蔡懋功邑廩生字華城博學通經史闡邑推為碩儒

蔡懋建歲貢生字午山學有遠識執經者眾

蔡懋中歲貢生字東閣文品兼優書法得古趣

詹歲歲貢生字巖山夙具慧才字法精妙瘦硬通神有張

桓王筆意

葉賜暢邑廩生字梅塢能文善隸書工詩賦

孟居仁邑增生字春原工詩文善畫山水名振江浙

周起芳邑庠生飽學有識濬於名利終日手不釋卷

沈昌邑廩生字亦農文思敏捷工詩古賦輒冠羣著有愚

松陽縣志 卷九 人物 文學 六六六

香草堂詩稿

葉靈芝邑庠生字聖瑞好學不倦性嚴毅不徇流俗

鄭文光邑庠生字愛古孝親嗜學教授有方不干外事

丁寅附貢生字虎侯謹恪能文咸推老成典刑附志

周聖教字式昭城北人思貢生就職教諭邑侯江思濬聘

為明善書院掌教生平孝順友恭不遠庭訓詩賦文詞

克承家學具希聖之淵衷矢凌雲之高志五試鄉闈不

售庚午科省憲覆檢落卷避入敷文書院肄業

饒慶霖原名秀斌字若汀城北人幼聰慧性孝友未冠補

弟子員旋食廩餼設帳城西徐花園從遊日盛春風化

雨培植多才十餘年間歌采藻賦鹿鳴膺選拔捷南宮

者指不勝屈如葉維藩葉文田潘步賢尤及門中之矯

矯者生平究心經史作文尚清真讀書多創解明鼎雲

學士羨其才華延為西席端木太鶴先生魏荇汀葉梅

生明府吳榕齋孝廉輩欽其品學引為知友自是文藝

益梓聲稱藉藉名溢都門遂於甲午北闈名登賢書惜

六試春官翅薦不第晚年尤究心於先賢語錄稔躬謹

飭不愧一代經師邑侯湯竹筠聘課子姪復請掌教明

善書院主講幾三十年丙辰揀選知縣適洪楊餘黨竄

入松境在籍籌辦團勇及寇去又辦善後各事宜舉凡

松陽縣志 卷九 人物 文學 六七七

建復縣署修整祀廟興造學舍葺修邑乘遷建明善書

院殫精竭慮日無暇晷著有清夏錄五卷五經經義附

註一卷分類試帖四卷壽至八十而終

葉佐辰字瑞霖號有松古市人生而岐嶷八歲能文有神

童之目十三補博士弟子員逾年食餼三十舉於鄉文

名噪甚乃公車屢蹟僅挑取膳錄二天籤分雲南知縣

改名景適字慎夫往來齊魯燕趙間門弟子多願者如

湖州沈家本山左李汝霖魏祖驥皆一時顯宦自燕市

歸來掌教青田書院及門若葉枝玉姚希晉又皆狀鹿

鳴而去學問文章為吾松數百年唯一之人物讀其遺

文試帖以及散見雜著千鍾百鍊火到功成者有十三經題解平聲仄聲千字文書法尤工所遺楹聯屏幅卽半紙零縑得之者咸珍逾拱壁生平篤於內行到股療親事詳府乘尤不備學問文章足爲後人矜式已也潘承如字受謙邑庠生城南人學問淵深作文有奇氣設教於家成就者眾所著有自怡齋詩草

蔡懋烈字松樵例貢生城東人性好學精岐黃志氣慷慨著有培蘭山房詩草獨建尊經閣倡造東鄉天濟橋捐腴田爲久遠計邑人至今頌之

蔡士烈字又英思步人增廣生學問淵博文藝華瞻設帳

松陽縣志 卷九 人物 文學 六八

授徒從遊者累每與諸生講學必正席端坐其動必以正如此知府雷給以匾曰教思寬厚

蔡大來字交際思步人庶貢生學有根柢嘗爲明善書院主講誠心教導英才崛起屢赴棘闈薦而未售晚年益篤志好學手不釋卷

蔡增政字玉齊思步人邑庠生天資穎異詩字俱工作文數千言立就文宗馬給以匾曰篤厚超羣

詹偉字棲霞邑廩生城東人善詩文工隸法屢試優等士

林重之

楊光劑字君思號五之玉幾人附貢生成豐浙閩君子惠

而不費五句題堂備廉官評評云以大學作主却好十章皆供驅遣而按之題旨仍復一絲不走主司加評曰大學作主運用細切次三亦穩稱詩妥借以額澄竟作滄海遺珠柱仁慈地方公益事尤悽澹經營勇於倡率過荒歉必買穀平糶雖虧折不恤壽六十有三子志熙郡增生

陳其福字東生歲貢生城南人學問淵深字法挺秀秋闈歷薦不售設帳數十年從遊甚衆生平著作不少性耿介有卓然不羣之概潘宗師嘗以品端學遠額其堂

潘益濤字之江歲貢生城南人品端學粹精文藝工詩賦

松陽縣志 卷九 人物 文學 六九

下筆千百倚馬可待開天香講院造就後學五十餘年門下數百人如進士高煥然舉人高斐然拔貢許作舟皆其及門也晚歲雙目失明而從遊之盛仍不減於昔日惜不得志於場屋僅以舌耕終老年七十九而卒著有天香詩稿然雖不過於時而家孫慶湖鄂北首義爲國捐軀列祀忠烈祠榮及家族人咸以爲忠厚之報云蔡津字問源思貢生城東人德行內優才華外見豪放似劉伶松陽儒學王廣華器重之命于受業惜文章惜命堂備薦卷數次不售尋卒子世澄學通中外尤知名

王昌期字恭壽廩貢生才識兼優學養功至性廉介淡泊

自甘恪守寒素家風屢試秋闈堂備數次不售舌耕鋤
口從遊皆知名士滿門桃李一時稱盛

葉炳文字日尤歲貢生大嶺頭人穎悟特達學有遠識尤
工楷書

葉葆初字復夫號小岑歲貢生授訓導文章詩賦卓犖紆
餘清真雅正兼工書法精究靈樞素問甲乙難經等書
然不以醫傳非至親密交不肯輕試其術而妙手回春
應手輒愈亦可謂醫中之高尚矣

毛飛浦字少洲恩貢生南山人生平造就後學桃李滿門
援例就職光緒十年委署永嘉縣學教諭時已八十有

松陽縣志

卷九

人物

文學

七十

二而先逝矣

楊光舉字鶴薦孫蘭第五子歲貢生讀書好治經熟盲左
尤深於詩歲試題入曰伯夷一節取材葩經陳宗師賞
其文選付剞劂爲士林法秋闈題貧與賤六句取材盲
左房官薦其卷曰三藝俱藻采續紛主司李文田批曰
作者煞費苦心奈楊意雖達而敷奇不偶僅以一薦報
罷設教卯山十餘年門下多知名士會舉爲本區議長
享壽七十有九

楊光珪字巍然孫蘭第六子歲貢生候選教諭行文尙王
尤體歲試使諸大夫同人皆有所矜式題吳宗師批其

文曰口吻宛肖可謂名下無虛浙闈概過斯知仁矣題
其警句云疇修己而未免疚心疇孔壬而自甘失色廉
官稱賞呈薦主司徐致祥批曰工麗之至非有才者不
能乃以額滄見遺閉戶讀書一生不干外事享年三十
有六不竟其業邑人士甚惋惜之

葉廷琛字獻其玉歲人虞貢生家貧事母至孝性醇樸文
思敏捷穎悟好學至老手不釋卷設帳古市朱文公祠
從遊多知名士每課改文不隔宿講解娓娓學者感之
葉鳳梧字碧樓玉巖人歲貢生天性醇厚事孀母菽水承
歡友兄弟棣華媿美普屬文工書法親老不忍遠離以

松陽縣志

卷九

人物

文學

七十

致雲程莫展里人每爲歎惜

高大璋字永長增廣生象溪人家貧好學幼爲牧備掛角
讀書卒得名筆耕設帳及門頗盛子培舟字方之家
學相承屢試優等食廩餼廣授徒門下有登科甲者並
能樂善會爲地方創設義渡至今行人賴之

蔡鏞字序東城東人恩貢生工詩文善書法邑人士咸欽
仰之

蔡育賢字思齊歲貢生城東人秉性和藹不修邊幅好讀
書善書法嘗慕陸放翁之爲人雖酒肆茶園求書輒應
從游者亦甚衆焉

徐建猷字徽齊邑庠生東里人以寒素備生爲應任學官所器重設帳授徒問字者眾麗水宣平亦有遺子受學者尤能急公好義如整頓保嬰局修理文昌宮重新孔廟刊送善書皆力襄其事並將館穀捐助亦寒士中所僅見者也

闕進階字莫生邑廩生茶排人品端學粹幼卽能文善詩賦尤工書畫童年入試屢列前茅士林咸器重之年二十四而卒

闕起芬字韻蘭廩生茶排人立品端方好學不倦博覽羣書工於詩古試輒高等惜未展所施而卒

松陽縣志

卷九

人物

文學

七二一

吳春澤字沛然赤岸人歲貢生家貧力學設帳二十餘年清季興辦學堂邑侯葉昭欽知其學行派往日本考察學務回國後成立毓秀高校充任教員旋溫處學務處長孫仲容聘爲學務調查員未就任本邑勸學總董民國紀元任參事旋辭職歸其爲學勤奮過人一以義理爲主兼事考據凡五子近思錄閻氏四書釋地補編陸氏毛詩草木鳥獸疏朱氏說文通訓定聲等書頗爲宣究文法釋賦兼取藍鹿洲詩主性靈多比興體字初學頗繼學歐晚年又仿魏碑瘦勁有神著有勤補拙齋雜文及詩存其教學生嘗曰讀書所以明理窮經所以

致用及門如劉德元等多一時知名士子朝覲佳朝鼎尤特出冠時享年六十有九而終

包庭芝字商山歲貢生橫樟人胸襟灑酒氣宇軒昂其文筆之雄健簡古罕有其匹戔大比屢薦不售養晦於石倉間教授生徒迨科舉廢學堂興聘爲毓秀教員民國二年設立孔教分會舉爲副會長懇直之態老而弗頹同會咸推重之

周肇洛字敬休號菴甫高亭人思貢生候選直州判樸實勤敏道德冠時有古大儒風家貧力學范仲淹斷齋畫粥莫以過之楊林弄稱其能讀三墳五典八索九邱民

松陽縣志

卷九

人物

文學

七三一

元以來拿崇孔教信道尤篤每逢聖誕慶祝大祭必徒步行百餘里而來嘗曰至死方休果於癸亥八月因病不到九月中旬卽殞耗至矣情哉享壽六十有三葉秀庭字枕三恩貢生城西人天資聰穎文筆清超從遊甚衆一時知名之士半出其門且秉性慈善邑有善舉無不踴躍樂爲如整頓保嬰局出力尤多邑侯劉靖贈以功存保赤匾額獎勵之

葉高崧字冲鶴城西人拔貢生天資秀異工書法遠近聞名日本宏文學院畢業詣京師應袁總統嫡姪世傳之聘教讀數載保舉山西綏遠縣知事未及赴任而終

人物志八

尚義

宋

潘好古字敏修入成均與名士游值歲饑傾廩濟之洪水至好古與同處者數十人論舟人先濟餘人舟人曰吾德公故冒險來好古曰濟彼猶濟我也鄉人義之

王灌乾道中以賦役繁重首創義役先後視籍田多寡視等行之三十年而訟不抵於有司

楊大同素業買寓武林邸舍忽聞鄰哭甚哀詢之乃王尉失囚獲罪鄰女以贖故相泣別大同遂出資以貸尉他

松陽縣志 卷九 人物 尚義 七十四

日大同姻遂昌鄭克寬登進士調鄂州監酒時鄂守卽王尉也克寬以公事候門守覺其鄉語類括問曰識楊大同乎曰妻父也守曰尙在否曰卒矣惟妻母見留此守曰汝爲我迎楊媪來至則坐媪於堂率子女羅拜於下以母事之因語其故置克寬於幕以薦之

程大雅字正之素尙義遇歉嘗捐廩以惠鄉鄰積雪起視鄉鄰不火者密以米置之門雅古藉二都助田三十畝以資都役人有鬻妻兒者以財吊卹之其人以荒山一區爲報大雅收以葬親卽今五龍搶珠地也後子孫名登顯要人以爲陰隲所致

明

吳亨性儻尙節義洪武初以浙東副元帥石抹公命出資財築處州左渠城五十丈後洪武十四年縣西橫源山民倡亂縣帖下亨率鄉人逐捕其黨閭里咸賴以安繼又出私帑造船於本縣金梁烏石二渡以濟行者鄉人至今稱焉

劉原熊世爲蛤湖人父惟賢徙居澄川捐資倡築獨山百仞堰建永安橋置澄川渡立祭田以祀先修德行館還還具開正統間陶得義等倡亂松之男女多避於橫山寨寨近澄川守寨者素聞原熊剛毅各捐贖珥求爲禦

松陽縣志 卷九 人物 尚義 七十五

護熊却之曰賊因財而致亂予復因亂而受財相去幾何卽椎牛注酒集鄉人原熊執戈前戰賊懼退居城北夜有携妻子東逝者賊知次日乘機劫寨原熊又按兵戰於野斬賊魁四級熊亦力戰死鄉人哀之祀於社包鱗字天祥以貢授羅源訓導先禮教而後文學人多仰其高直時羅源有賊劫庫宰乘夜出逃鱗主庫收籍其餘篋封識無避嫌人亦信之歸老極貧一日忽沐浴辭親族而終

潘伯槐號平川孝義性成樂營美事初縣令楊公以五尺符壤行者苦涉槐捐資築之縣具匾曰尙義建橋其族

祠堂歲久而毀念子孫風雨皆有所棲而報本之地獨無覆庇即捐金壹百貳拾兩倡建復撥田供祀

葉傳字南岳邑庠生個儻多豪舉其兄伸緣事忤令令具伸傳適遊學於省自負年力改伸為傳代襪及兄尹儀真絕不望報解推惠人無德邑受者罕識其面子選功醫產以教子孫有父風

葉應麟號寶川為人有介性讀書務明大義由鄉貢授昌化訓講學端本澄源一時推為文宗會縣宰峭刻不情仇疾諸士通庠將詣府愬之公適由府回道過論之曰虎雖可搏當戒傷女盍歸吾自有說宰聞感登門謝過

松陽縣志

卷九 人物

自表

七六

遂改行遷分水論尋告致歸

潘元愉字養性為人慷慨尚義家範嚴肅萬歷間縣大荒多疫愉為煮粥待餓復買藥餌延醫以療沉痾活者無算今子孫昌衍時以為陰德之報云

毛朝字漢舉善鼓栗弱冠董榮和仁橋程石鳩工不煩而事集伐木作室有竊而蔽於水南之港其隣具以告朝恐得實則暴竊者過無以齒鄉由潛令移木方往視竟蔽其醜每春耕里有不能播種者命僕携苗為之五子皆成立四子思階端方靜雅為一邑典型惜木展所學而卒

潘元寶字天球慷慨好義人有以空田虛契售銀殖親者即應給之後知其貧無措遂焚券嘗施米賑邑中無告者貧人德之壽九十三

丁芬字新吾邑庠生居食好義憫人眼涉倡造赤塔橋改建文廟殫心力以營助遇人有急排難解紛又助貧喪兩嗣得明經焉

葉德佐字廷輔少孤家貧事母至孝天性長厚不侵然諾好施予恤緩急不責其報內行尤懿不取非義不視邪邑日惟課子誦讀勉以忠孝廉節為本不圖溫飽以故子元芳令崇義有聲蓋得於庭訓也

松陽縣志

卷九 人物

自表

七七

蔣應靈字懋震布衣能文築修家乘為府掾時有無辜受寃者府尹欲置極刑靈為力白乃免斯時尙乏闕忽夢神告曰汝能活人陰隲不少錫爾子且賜爾程後任雷鄉親見子孫食饒壽至靈

劉德傳字克繼天性孝友尚義恤貧鄰鄉有不平者一為居間無不釋然或經訟公庭片詞和息以故縣令漳州張公無錫周公尤加禮重子燧以貢授泉州通判崇禎初封如子官

孟師會字省吾邑庠生好義樂善救人急解人紛捐資修路造石佛嶺上茶亭又撥田五畝捨其租每歲於嶺上

施茶三月以濟渴行人誦其德焉屢舉鄉飲賓

周繼宗字德軒少孤篤志孝行懿乘天植雅慕古人邑兩
舉修學董事唯勤且建橋梁焚借券掩骼遺遺煮粥起
殍種種善行列諸旌善亭

毛有常字維德守正不阿早失怙事母孝撫三弟同居身
無私蓄濟貧憫凶有焚券還還助葬種種善蹟閭里稱
之至捐資董事爰宮獨任修祠俱人所難能云

葉廣倬號倫泉性至孝好施樂善捐資買山為義塚以與
貧無葬所者院道旌獎列名旌善亭屢舉鄉飲壽八十
七

松陽縣志 卷九 人物 尚義 七九

毛鳳寶為人慷慨好施癸卯建學捐資力助更有施粥焚
券種種義舉難以殫述其子汝遠克承父志亦助建學
好施不倦

楊秉彝號平舒正統間納穀壹千貳百石奉勅授七品服
俸建祠祀祖其勅旨及像見在宗祠可考

高慶童號仁一正統間歲大饑慨出稻穀二千二百石用
助賑濟有司以聞奉旨特賜獎諭勞以羊酒旌為義士
仍免本戶雜汎差役永世尢蹈忠厚表勵鄉俗用副

朝廷褒嘉之意欽哉故勅等語至今子孫繩繩奕葉替
纓咸謂忠厚之報云

詹立敬號懷野吏而通儒任宜興鍾溪建檢建五洞橋與

周內閣尊人飲酒賦詩相倡和逮授松溪尉內閣為制
錫贈行見松溪西門外水漂骸骨遍野買義塚以埋之
仍造松溪橋捐俸鳩工又鑿井暨諸惠政松多益徵單

騎往撫諸賊皆感泣解黨遂擢主簿松人勒石建祠至
今祀焉歸壘石修青雲嶺路捐資建獨山橋往來義之
徐毓秀字振屏早失怙遺腹事母孝種德尙義修路施棺

急公建學樂人為善通庠舉以實介捐資建祠以報祖
德享壽九旬院道旌獎子雲蛟亦善繼先志捐資助學
身盡其工不辭勞瘁

松陽縣志 卷九 人物 尚義 七九

毛汝芳字春寰少力學補邑弟子員天性孝友與兄同居
每食雖蔬菜必親送之寒則奉衣疾則調藥兄弟相好
至壽不倦妻父孀年無嗣遺以金不受即為之置一妾
得一子時人咸誦之見利思義汝芳有焉

劉應雷號少塘慷慨好義喜為人解紛難邑建青紫塔上
滿勸募皆一力獨任又倡造舊市三角壇大橋里人德
之年已古稀給冠帶兩為鄉飲賓宋同知判定言其先

世也

潘國為號冲寰親賢好義業儒不就在京有麗水赴選者
疾卒無所歸出資殮攢同邑王貢生疾資斧之薦多方

調理及不起代置棺衾携柩歸所費不責償里人義之授廣西恭城尉院道獎其弭盜有方轉陞白水巡司辭歸不赴壽七十三

徐學韶字景舜少遊庠孝友好施捐創宗祠設田供祭建橋埋骨廢荒出粟平糶鄉人愛敬如骨肉壯年失偶不再娶子新化克承父訓為時名士婦毛氏尤極盡孝韶年八十三事至四十餘載相夫奉甘旨靡間韶疾劇新化奔走醫藥氏割股韻天遂少甦宗族里黨請揚之韶亦力疾陳情晉榮郡佐葛公造廬嘉款韶始怡然長逝徐自新字元白性洒脫居家淡泊與人交無貧富凡有托

松陽縣志

卷九

人物

貞義

八十

者視事若已忘身赴之又多才藝善針灸醫藥堪與等術所著醫案神針論補有回生妙手壬辰冬有僧雪如病篤求診會大風雪往救之得活途歸月寒卒年七十藥以為宇遂修邑庠生親魁偉性慷慨好義遇善事喜為不倦借貸不計利更愛友延賓畧無怠色

徐兆佐字魯卿邑庠生天性孝父疾篤家貧不能藥跣足拜禱於方巖往復三百里裂趾忘痛苦父獲以痊渡石牛解衣與人救覆舟人曰舟中有與君戚乎佐曰人溺猶已何必成而後救也人負慚噴噴高其義

吳以朗號碧陽慷慨尚義置買正念寺田募入學宮修理

邑士德之舉鄉飲介賓

徐子祥號仰屏尚義好施有孝行表率鄉閭居南洲隔河建一庵每歲炎天設水烹茶以濟渴往來人德之壽至盡舉鄉飲

清

潘延洙字聖源窮冠登庠讀書不問世事丙戌夏喪毛氏產厄會潰兵數萬主男婦盡誑洙夜負妻至河村尋卒苦哭兵至獲洙縶引入山至男婦避處不從洙引刀自殺避難人藉以獲全均義而感之

何宗璽字廷信好義樂施捨田進赤塔橋渡助建中洲堂

松陽縣志

卷九

人物

貞義

八一

以濟行人憩息需百餘冠帶榮身旌其門曰高年善德何讓字德美為人梗直有為善理財樂成善事向第誌均壽九十餘子孫蕃昌人皆誦其盛德所致

何伯仕號泰岳年四歲失怙母葉氏誓死撫之成立生平好善樂施助學建橋遇歉慨然出粟以濟鄉隣之困邑令聞而獎之舉鄉飲固辭壽七十五

戴日康字國泰本籍金華遷居松邑城北有膽識順治四年洪舜寇松縣令脫匿洞陽觀避府陳發兵捕勦洪舜退屯白巖日夜劫掠陳疑有為寇暗作間諜者民情洶洶日康謀於所私曰此事非縣令不濟然勢急矣但使

印信尙在可爲也乃潛入縣署於三堂匾額上搜得之
遂出安民告示蓋以縣篆又密遣人急迎邑令從後衙
人出堂見避府力剖無間謀事松民賴以安堵

詹儒熊字渭兆城東人庠生康熙乙丑松邑饑斗米四百
儒熊捐米貳百石設廠煮粥族隣有產女欲溺者儒熊
知之急令婢抱歸撫爲己女備牲奩嫁之人有借貸靡
弗與或久連大果無力者輒焚其券義聲藉藉生平敦
厚謙讓不履公庭年至七十歲

劉廷英字殿侯上安人貢生生平好施與康熙五十二年
舊市江進源以負債鬻妻哭別甚哀廷英偶過其門詢

松陽縣志

卷九 人物

自義

八二一

知之代償聘金以理遣娶者六十年後徐正利亦因
貧鬻妻已就道廷英追回贖金復全其夫婦兩家至今
德之其餘恤飢寒施棺木貧乏者咸受其惠義聲藉藉
鄉里

詹廷韶字又善城東人庠生友愛兄弟最篤生平多義舉
二十都有程某者貧鬻其妻韶贈金使復完其夫婦雍
正甲辰春有丐者十餘人以疫死於背學基傍神廟中
韶備棺埋之鄉里競高其義

劉時信字希賢小槎人束修自愛富而好施捐造橋梁修
砌路道掩埋遺骸義聲藉藉郡守黃公邑令連公孫公

黃公皆給匾獎之乾隆五年舉鄉飲壽至九十一

周繼開字隆盛高亭人凡里中公事知無不爲助修學宮
及邑志建祖祠造濟川橋其餘升斗之惠不可枚舉捐
計穀叁百石給頂帶榮身撫憲莊公書匾旌其門曰善
足型方子四人克承父志孝友之名著於鄉里

徐有朋字三友山甫人爲人豪爽好義助葺學宮修砌橋
路多不惜費見貧乏者輒憐恤之或有遺負無償卽焚
其券乾隆戊寅歲捐社穀壹百貳拾石藩憲明公匾其
門曰惠施粉榆年至五十有子六孫十三長子庠生成
章讀書嗜學人以爲積善之報

松陽縣志

卷九 人物

自義

八三二

郭仲鮑字植宇閩省仙遊人占籍於松慷慨多義舉捐捨
棺木掩骸埋屍歲費數十餘金乾隆庚午松邑置社會
仲鮑捐粟伍拾石人咸義之

葉逢諛字衡川王村人監生居家孝友好義每歲施丸散
以濟人造石角渡船建屋渡口以居司渡者行人利之
乾隆戊寅歲捐社穀壹百石藩憲明公以匾獎之

葉又英字聯芳城西人邑庠生天性孝友兄弟人人英居
六家務皆英綜理門內和睦無訐聲生平不涉訟公
庭信樂善好施雍正壬子捐修五木庄橋樓及沿溪大
路子芝溪克承父志十四都力溪庄沿流田屋屢被水

患乾隆辛巳請於邑侯景公墓築捍堤五十餘丈勸輸
董理芝惟一人肩任之堤成洪水不復爲害人謂其雅
有父風焉

蕭啟潛字雲際城南人康熙辛丑松邑災歉潛捐米百陸
拾石煮粥以濟雍正庚戌建十八都觀山橋駕屋其上
費數百金人無病涉并得憩息之蔭邑令孫薦飲賓筵
旌其門曰視民不佻享年七十一而卒

余士元閩省仙遊人康熙二十四年尊父至松因家城西
歲丙戌松邑大災米價昂元誠價平糶里人有鬻妻兒
者給粟完粟死而無歸者助之以贖松人咸德之

松陽縣志

卷九

人物

尚書

八四

葉奇字克幹邑庠生爲人沉然候度修整與人交和而能
介家產雖微好爲義舉見遺骸輒付金收葬之捐社穀
墾義田乾隆己卯巡撫莊給與人爲善區額旌之

徐之熹字忠侯儒行坊人侯選吏目性豪邁諒直勇姪某
幼失怙恃寡撫養於家比長爲之婚娶歲戊寅建設社
倉慨捐穀伍拾石城西門樓續及育嬰堂圮併築橋
造渡皆捐金竭力以動厥成生平好義行善綽有長者
風當道每嘉旌之子絲綸貢生克繼乃父風人謂喬梓
繼美云

詹顯儒字握玉城東人由邑擢考授從九品天性孝友事

父母克盡誠教昆季分繼後或有不給輟輸已資與之
每歲除夕鄰里有貧乏者酌遺米肉收債不索利或有
遺負且焚其券乾隆甲戌邑東南火傍舍皆燬僑屋居
其中獨無恙人謂爲積善之報云

葉成發國學生天性純雅樂善好施屢修橋路行人德之
乾隆庚午捐社穀邑侯吳給匾旌焉

李起俊舊市人樸誠自守以飭躬植品率化鄉人人多式
之姓篤本源其先世無宗祠後以獨力建宇撥田爲祭
享之資尤堪矜式

葉公愷字元友舊市人祖居卯山後植品端重處世謙和

松陽縣志

卷九

人物

尚書

八五

遇修寺院橋路無不首先捐助乾隆庚午松邑創置社
倉倡捐穀叁拾石邑令吳旌給以匾

周斯盛字載錫城北人邑增生刻志讀書賦試高等有幹
濟才雅意慈公學宮圯壞倡議捐修總理其事賢勞持
著以是品重膠庠

葉乾字爾健本籍麗水明洪武諡南陽侯葉琛之後主嘉
靖初遷居松陽張山天姿英敏年十四遊邑庠文詞工
雅善教品猶樂施于乾隆戊辰歲饑施穀貳百肆拾石
以周貧乏邑令陳給匾示獎以彰惠濟之美

張文學字步商閩人寄籍松陽爲人沈靜樂於爲義雖多

費不吝捐社穀壹百石復助修學宮及邑志在鄉里周濟貧乏人多嘉之

謝世質庠生南溪人幼失怙事寡母最孝生平慷慨好施遇荒歉出粟濟鄉鄰之困凡修道路造橋梁有利人之舉靡不踴躍捐助人皆稱其好義云

蕭懋學字敏來邑貢生雅好讀書樂與當世名士質辨疑難學業日進雖累試棘闈薦未獲中猶刻苦自勵且振貧濟乏義舉交著里人樂步其後塵焉

饒士芹字忍齋城北人慈祥公直有幹練才曾爲邑功曹出納持正歷任諸邑侯咸倚賴之平日排難解紛樂行

松陽縣志 卷九 人物 貞義 八六

善事每多隱德子慶霖以名孝廉作本邑山長數十年科甲廩附半出其門同治甲戌例得重遊泮水孫合濟濟亦各有樹立焉

蔡懋昭字東璧附貢生城東人天性孝友親病割臂以進撫幼弟三人各成名有出仕爲縣令者生平慷慨有大志每遇地方要公必爲首董歲大旱倡捐散賑邑侯以仁施利濟置匾旌之復首捐社穀二百石府尊以爲善最樂邑侯以邑有澹臺額其堂厥後興築城南河隄慨捐二千餘金工始告竣洵爲百年之利云

葉文蔚字豹巖附貢生城北人立品篤行富而好禮親族

通緩急皆立應有醫以田產者卑其原數不較價且必以大錢予之凡如捐社穀修祠廟築橋修堰靡不首出多金以爲邑庠之明倫堂領祀有年慨然獨任其費建造如舊制迄今春秋頒胙報之焉

潘學元號善長城南人生有夙慧性純孝以侍親疾棄舉業援貢加州同銜居鄉行善不欲人知所南主隴事卽沛甘霖識者服其至誠鄉庠派捐修理銀二百餘兩獨力以任之府尊以急公好義旌其門咸豐戊午隨同張邑侯倡捐募勇防禦賊在界首陣亡年已六十有七事聞加贈知州銜建坊入祠長子煊以布理問襲雲騎

松陽縣志 卷九 人物 貞義 八七

尉其餘子若孫或登仕版或列宦官曾孫十數人亦英穎無庸品

宋永起楊家堂人起家勤儉世爲板業巨商贈助親友無吝色家中有壽誕不稱祝惟代完闈村錢糧以廣其惠每次計費數百金進橋修路猶其餘事壽踰八十而終子德煥克承先志曾孫亦純謹有禮

葉有容大嶺脚人周急濟貧尊師重道寒儒多感念之三子均入庠孫食廩餼世濟其美

蔡文熊字東侯例貢生城東人好施與樂善不倦曾倡捐社穀二百石邑侯江給匾曰惠濟桑梓又開通學宮前

西流水獨任工費學師鄰以從善如流額贈之

蔡桐封字其德石倉源人幼失怙事母孝謹以督理家政
棄舉業就按按照磨生性慷慨見義勇為地方有公舉
捐助弗稍吝族友中匱乏者周卹各得其宜人皆以富
而好禮稱之子庠生建侯建邦咸有父風

葉續輝字舍玉城北人家素封性儉約凡有公舉慷慨捐
資無吝色故得議叙同知銜恤倉振匱里鄰尤感頌之
子國良授光祿寺署正諸孫亦無凡品焉

葉瑛善醫設藥肆於門以待疾者而施之遺人報留躬治
藥餌必療而後去子儕承志歲積穰穰其廣粟叁百

松陽縣志

卷九

人物

節義

八八

石出賑瑛曰而亦念憐中瘠將為祖宗墳墓鄉里稱
善人吾可無憂矣人謂有麥舟之風郡守廉其事父子

咸舉郡飲以上

吳邦瑞字玉甫恩貢生橫山人有精明之識強忍之概生
平處事不苟見義勇為道光間汪太守嘉其為人區其
堂曰好義不倦

關天開國學生石倉源人為人慷慨好施凡修造橋路殿
宇莫不首出多金續修望松禪院慨捐叁佰金歲甲申
修復社倉捐穀五十石邑令江公贈以視履考祥匾額
先世由閩遷松未有祖廟倡議建祠慨出巨資又捐祭

田邑令劉贈匾曰光前裕後享壽七十有九

關拱垣字香荷石倉源人九品銜生平急公好義家積微
資不自封植慨出囊金倡造益慶橋併助田修理享壽
八十有八五代同堂二孫遊庠

葉有海大嶺頭人富而好禮遺子肄業張芝壽廣文之門
其時髮逆犯境恐遭蹂躪迎張於家避亂及髮逆退後
又發粟濟人張贈以匾曰敦厚併為之跋俾子孫奉為
矜式其子炳章邑庠生存心仁厚仍有父風村鄰向雜
輒以滿斗與之尊師重道義方是訓孫作錢楚卿均遊
庠

松陽縣志

卷九

人物

節義

八九

林福元字元日五合圩人生平好義舉樂施與釣魚嶺兩
傍手自種植松木護蔭行人又獨置港口渡助渡田拾
畝有奇以為渡夫工食享壽八十有三五代同堂奉旨
旌表欽賜頂服緞疋銀兩給予七葉衍祥匾額以褒揚
之

高永緒字篤柴象溪人邑庠生精醫理家小康贈醫施藥
性尤慷慨鄰里有貧乏者時周給之道光二十五年歲
大稔饑民遍野出倉廩以賑濟之全活甚眾餘如廟宇
道路橋梁無不踴躍捐修生平特殺不食每逢壽辰誠
勿慶祝勿設宴計所費以濟人知縣湯景和親書以永